

## **CONCURSO XANELAS ABERTAS**

O Concello de Malpica de Bergantiños propónse crear unha exposición de arte baixo o título de *Xanelas Abertas*. Con este obxectivo convoca un concurso ao que se poderán presentar debuxos e pinturas.

A exposición *Xanelas Abertas* incluírá todos os debuxos e pinturas que se presenten a este concurso. Finalizado o proceso participativo, o Concello de Malpica, a través da Concellaría de Cultura, Olería, Igualdade e Patrimonio determinará os espazos e calendario nos que se abrirá ao público a exposición.

### **BASES PARA A PARTICIPACIÓN NO CONCURSO XANELAS ABERTAS**

#### **1) Participantes:**

- a) Poderán participar todas as persoas que o desexen, calquera que sexa a súa nacionalidade.

#### **2) Debuxos e pinturas:**

- a) A técnica para os debuxos e pinturas é libre.
- b) A temática das pinturas e debuxos versará sobre o período de confinamento.
- c) Cada persoa só poderá propoñer unha obra para incluír na exposición *Xanelas Abertas*.
- d) As obras que se presenten deberán ser orixinais que non estivesen expostas, nin se tivesen publicado, en ningún formato.

#### **3) Categorías:**

Establécense tres categorías:

Infantil: ata 11 anos

Xuvenil: de 12 a 17 anos.

Adultas/os: de 18 anos en diante.

#### **4) Prazo de presentación:**

O prazo para a presentación das pinturas e debuxos estará aberto dende ás 00.01 h. do 8 de maio, ata ás 23.59 h. do 27 de maio de 2020.

#### **5) Envío dos debuxos e pinturas:**

- a) Os debuxos e pinturas enviaranse escaneados ou fotografados por correo electrónico ao enderezo [educacionecultura.malpica@gmail.com](mailto:educacionecultura.malpica@gmail.com).

b) No correo deber figurar como asunto: “Xanelas abertas infantil/xuvenil/adultas/os” (segundo a categoría que corresponda), e acompañarase de dous documentos (A e B):

**Documento A.** Nomearase do seguinte xeito: “Documento A: *Título do debuxo ou pintura*”. Conterá a imaxe en formato .jpg, sen sinatura.

**Documento B.** Nomearase do seguinte xeito: “Documento B: *Título do debuxo ou pintura*”. Conterá os datos da persoa concursante: nome e apelidos, enderezo postal, correo electrónico e número de teléfono.

c) No caso de que a persoa concursante sexa menor de idade, xuntarase a maiores unha autorización asinada pola nai, o pai ou a/o titora/r legal cos seus datos correspondentes.

d) As pinturas e debuxos recibidos sen identificación ou con identificación incompleta quedarán automaticamente excluídos do concurso.

## **6) Publicación de debuxos e pinturas:**

a) Os dereitos de publicación das obras seleccionadas corresponden á/ao autora/r agás a publicación nas redes sociais do Concello de Malpica de Bergantiños que se realicen como consecuencia do procedemento recollido nestas Bases e a primeira edición, en formato papel, que será propiedade do Concello de Malpica de Bergantiños e a exposición *Xanelas Abertas*

b) Todas as pinturas e debuxos que se presenten a esta convocatoria publicaranse no perfil da facebook do Concello de Malpica de Bergantiños (<https://www.facebook.com/concellodemalpica/>) ás 24 horas da súa recepción.

c) Todas as obras presentadas formarán parte da exposición *Xanelas Abertas*.

d) Así mesmo, o Concello de Malpica reservarase os dereitos da impresión da primeira edición en papel das obras seleccionadas. O Concello de Malpica disporá do prazo dun ano, a partir da data en que se fagan públicas, para realizar a primeira edición. Transcorrido ese prazo eses dereitos corresponderán ás/aos autoras/es.

e) Coa participación nesta convocatoria, as/os autoras/es autorizan ao Concello de Malpica de Bergantiños, sen contraprestación algunha e de xeito expreso, a reproducir (total ou parcialmente), comunicar publicamente (total ou parcialmente) e distribuír (total ou parcialmente) as pinturas e debuxos en calquera forma ou soporte, para todo o mundo e no prazo dun ano dende a data de

comunicación pública da selección. O Concello de Malpica de Bergantiños respectará, en todo caso, os dereitos morais que as/os autoras/es posúan sobre as súas obras.

## 7) Selección das obras gañadoras:

- a) As 3 pinturas e/ou debuxos que obteñan máis *me gusta*, en cada categoría, no perfil de facebook do Concello de Malpica (<https://www.facebook.com/concellodemalpica/>), ás 23.59 horas do día 28 de maio, corresponderalles:

**Categoría Infantil** – Un lote de material de debuxo e/ou pintura.

**Categoría Xuvenil** – Unha tableta de debuxo dixital.

**Categoría Adultos** – Unha peza da Olería de Buño de deseño exclusivo para esta convocatoria.

- b) Todas/os as/os autoras/es que participen neste proceso serán convidados á inauguración da exposición *Xanela Abertas*

## 8) Comunicación das obras seleccionadas

- a) As obras seleccionadas daranse a coñecer *pola web e redes sociais do Concello de Malpica o 31 de maio de 2020*.
- b) O Concello de Malpica de Bergantiños entregará os agasallos ás persoas autoras das obras gañadoras no acto de inauguración da exposición *Xanelas Abertas*. Esta fixarase polo Concello de Malpica de Bergantiños dentro dos 90 días seguintes á publicación das obras gañadoras nas redes sociais do Concello de Malpica ou no seu defecto da data do levantamento do confinamento. As/Os autoras/es das obras seleccionadas deberán facilitar previamente unha copia do seu DNI para verificar os seus datos.

## 9) Tratamento de datos persoais

Os datos da/os participantes serán incorporados a un ficheiro responsabilidade do Concello de Malpica de Bergantiños, coa única finalidade de xestionar o proceso participativo do *Concurso Xanelas Abertas* e contactar coas persoas autoras das obras seleccionadas. En ningún momento se empregará esta información para ulteriores actuacións. As autoras e autores poderán exercer os seus dereitos de acceso, rectificación, oposición e cancelación mediante escrito ao correo electrónico [educacionecultura.malpica@gmail.com](mailto:educacionecultura.malpica@gmail.com), ou ao Concello de Malpica de Bergantiños rúa Emilio González López, 1 15113 Malpica de Bergantiños. O Concello de Malpica de Bergantiños comprométese a tratar en todo momento os seus datos de carácter persoal de forma absolutamente confidencial e de acordo coas finalidades previstas nas presentes bases.

## **10) Outros**

- a) O Concello de Malpica de Bergantiños ten a capacidade de decidir sobre a interpretación das bases en última instancia ou sobre a súa modificación en caso de erro sendo a súa decisión inapelable.
- b) O feito de participar nesta convocatoria implicará a total aceptación das súas bases.